



Iacobus ex honesta sed tenuis fortunæ familia Augustæ felicissimo horoscopo natus, & in omni genere uirtutum educatus est. Is cum præclara indole & rara prudentia esset præditus, post prima artium & linguarum fundamenta percepta, mercaturæ operam dedit, & eandē tanto successu exercuit, ut ex tenui conditione ad amplissimas opes peruenit, atque suam familiam ad sydera fere extulerit. Nulla enim familia per totam Europam tam breui tēporis spacio opibus & honoribus adeò accumulata fuit, ita ut tandem ob uirtutes barones creati & multis alijs honoribus aucti fuerint. id quod Itali etiam de familia Medices Florentiæ prædicant. Ver-

rùm Fuggeri has suas opes nō ad luxum & uanam ostentationem direxerūt sed omnis generis uirtutes promouere, meliores literas plantare, pauperibus prodesse, et patriæ multa officia præstare cœperunt. Huius aut̄ illustris familie Iacobus author fuit. Is ob multarum rerum usum magnam apud omnes existimationem nactus. Maximiliano Cæsari gratissimus fuit. Vnde etiam eū inter consiliarios adsciuit, & res maximas cum eo cōtulit. Cum hoc modo Iacobus patriam suam multis uirtutibus exornasset, & præclaram sobolem optimè institutam reliquisset, tandem ueneranda canitie conspicuus obiit, & honorificè sepultus fuit. Anon.